

BOSNA I HERCEGOVINA  
FEDERACIJA BOSNE I HERCEGOVINE  
BOSANSKO-PODRINJSKI KANTON  
GRAD GORAŽDE  
GRADONAČELNIK



BOSNIA AND HERZEGOVINA  
FEDERATION OF BOSNIA AND HERZEGOVINA  
BOSNIAN-PODRINJE CANTON  
CITY OF GORAZDE  
MAYOR

Broj: 02-04-3-4515/24  
Goražde, 22.01.2025.godine

Na osnovu člana 70. stav 1., 3. i 6. Zakona o javnim nabavkama ("Službeni glasnik BiH" br.39/14, 59/22, 50/24) u postupku javne nabavke – Konkurentski zahtjev za dostavljanje ponuda za nabavku bankarskih usluga za potrebe Grada Goražda, Gradonačelnik donosi:

## **O D L U K U**

**o prihvatanju ponude ponuđača „ASA Banka” d.d. Sarajevo za nabavku bankarskih usluga za potrebe Grada Goražda**

### **I**

Ovom Odlukom se, nakon provedene tenderske procedure za nabavku bankarskih usluga za potrebe Grada Goražda prihvata ponuda ponuđača „ASA Banka” d.d. Sarajevo čija je cijena ponude 0,01 KM bez uračunatog PDV-a,

### **II**

Ova Odluka će se objaviti na web stranici Gradske uprave Goražde [www.gorazde.ba](http://www.gorazde.ba) sa istovremenim upućivanjem ponuđaču koji je učestvovao u postupku javne nabavke.

### **III**

Nakon pravosnažnosti ove Odluke po isteku roka od 15 dana od datuma obavještenja ponuđača, Ugovorni organ će pozvati izabranog ponuđača radi zaključenja odgovarajućeg ugovora kojim će regulisati međusobna prava i obaveze vezane za predmetnu nabavku shodno uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

## **O b r a z l o ž e n j e**

Gradonačelnik Grada Goražda je dana 24.12.2024. godine donio Odluku o pokretanju postupka javne nabavke bankarskih usluga za potrebe Grada Goražda broj:02-04-3-4515/24. Odlukom je određeno da će se predmetna nabavka provesti putem Konkurentskog zahtjeva za dostavljanje ponuda.

Na osnovu navedene Odluke objavljeno je Obavještenje o javnoj nabavci broj: 413-7-2-97-3-105/24, na portalu javnih nabavki dana 25.12.2024. godine. Tenderska dokumentacija za ovu nabavku je objavljena takođe na portalu javnih nabavki i istu je preuzelo 8 (osam) zainteresiranih ponuđača.

Na osnovu pomenutog Obavještenja proveden je postupak prikupljanja i otvaranja ponuda što je konstatovano u Zapisniku sa otvaranja ponuda.

Komisija za provođenje procedure javne nabavke imenovana Rješenjem Gradonačelnika Grada Goražda broj 02-04-3-4515/24 dostavila je Zapisnik o pregledu i ocjeni ponuda iz kojeg se vidi sljedeće:

- U ostavljenom roku za dostavljanje ponuda za nabavku bankarskih usluga za potrebe Grada Goražda ponudu su dostavili sljedeći ponuđači:  
“UNION BANKA” d.d. Sarajevo, “ASA Banka” d.d. Sarajevo i “Bosna Bank International” d.d. Sarajevo
- Dostavljene ponude ispunjavaju uslove kvalifikacije postavljene tenderskom dokumentacijom
- Ponuda ponuđača “ASA Banka” d.d. Sarajevo sa cijenom ponude u iznosu od 0,01 KM bez uračunatog PDV-a je, u skladu sa kriterijem najniža cijena, ocjenjena kao najpovoljnija za Ugovorni organ


Komisija za provođenje postupka javne nabavke bankarskih usluga za potrebe Grada Goražda predložila je donošenje Odluke o prihvatanju ponude ponuđača “ASA Banka” d.d. Sarajevo budući da je ponuda navedenog ponuđača na osnovu rezultata pregleda i ocjene ponuda, ocjenjena kao prihvatljiva i najpovoljnija za Ugovorni organ.

Razmatrajući preporuku Komisije te cijeneći naprijed navedeno, preporuka Komisije je prihvaćena pa je odlučeno kao u dispozitivu ove Odluke.

**POUKA O PRAVNOM LIJEKU:** Protiv ove odluke može se izjaviti žalba u roku od 5 dana od dana prijema iste. Žalba se izjavljuje URŽ putem ugovornog organa u pisanoj formi direktno, elektronskim putem ili preporučenom poštanskom pošiljkom, u najmanje tri primjerka, uz priloženi dokaz o plaćenju naknadi za pokretanje žalbenog postupka.

DOSTAVITI:

1. Ponuđačima
2. web stranica ugovornog organa
3. a/a



**GRADONAČELNIK**

**ERNEST IMAMOVIĆ**